

抱

冲

齋

詩

集

抱冲齋詩集卷十三

長白 斌良 笠耕

開平考牧集一

奉

命赴察哈爾那林郭爾查驗馬匹於四月廿五日晚宿清河

小試勞薪第一郵棗林新綠照清溝雲開瓊麓名藍涌壘膾蕭

梁廢堞畱

清河橋上遠望
山佛閣土城即梁遺址

萬壽

放眼驅黃空冀野側身螭螭

控遐陬正趨朵殿聯鵠序

丹詔行邊考牧游

旅舍苦熱

午衝灰洞眯雙睛入夜陽烏氣未平何計招涼致珠蚌那容飛
夢眷桃笙蝠穿虛牖輕飄影馬齧枯蘗健有聲頻祝雲師甘澍

灑草香沙潤接羊城

白羊城在居庸關右

沙河縣

虹橋當古渡翠巘面孤城波縮驚沙漲天垂遠樹平黃花通塞驛紫氣接神京已具榆關意明駝逐隊迎

晚抵南口

埽空蛾綠翠雲攢變滅風光倏萬端行近煙樊纔十里蕉衫已襲麥風寒

縱橫犖确礙行輶日暮荒村虎迹稠絲籠含桃剛薦候征人翻著木棉裘

亭林山水昌平記快讀遺編尙可徵黃瓦青杉冷雲裏州民指說十三陵

勻圓礪疊牆低鴨腳層陰佛屋迷淨契皈依康寶月偶參竹

篋到闍黎

橫橋村古寺小憩

南口旅舍

皇華逞俊游挾被西崦宿雲臥夢魂清瓢飲星斗浴咫尺紫竹林佛光散濃綠風送蒲牢聲鐘磬潮音續
悵脰黃花驛暮止白茅宿嵐氣溼征衣身輕訝新浴風傳三邊聲窗貯萬峰綠浩蕩秦關吟雄特景堪續

居庸關

昌平環抱古居庸屏障燕陲鎖鑰雄殘壘星羅龍陣繚峭峰穎脫蛇矛攻時平戍卒稽商課徑險征人換玉驄
關西路險皆棄馬易肩輿威服華夷總圖版漫勞魏尚駐雲中

石佛寺

半幅精藍藏洞腹石佛低眉坐空谷風楊蓋屋不知年本大十

圍堪蔽犢雪眉老衲夜看經萬松頂上丸月升寺門吹風草木
腥猛虎倒吸淵清冷道逢邏卒每提警白日初殫人迹屏

觀音閣

萬古長城堙高壓傑閣迴捫蘿風磴盤履躡松杉頂峰巒壁空
來森然秉圭珽平生邱壑情遐曠罕匹等雷霆走瀑泉珠玉生
欬警龕鐙照金容三千鏡光炯苔蝕水田衣香息山紋鼎殘僧
半盲聾誰參趙州茗自採曼陀花淨瓶供娉好

官溝書所見

乍上籃輿野興便四山涼翠抱秋圓不知身厯青雲杪無數飛
鴻繞鳥邊

崇臺刻鏤歷平岡海衛天麾白玉裝客裏圖經無暇考只疑妙

構出蕭梁

居庸關中有石臺雕金剛諸菩薩狀極瑰麗梁武帝好佛北地多所創建此臺或卽其遺址耶

蹇脩蹠躩石梯盤彷彿青獅逐野干翠棧句連穿邸篠每於雲

隙露朱闌

野干見內典

茆庵深掩碧松幽幾穗珠旒雪浪浮我爲髯蘇參轉語半袈裟地肯相畱

平生癡癖擬長康煙墨零縑什襲藏鎮日山靈贈圖畫纔看董巨復倪黃

廉纖雨過欲裝縣忽漫銅鉦挂樹圓四十里塵滓淨名山濟勝得天緣

榆林縣

車行榆塞北路繞冷陁西落日荒城閉臨邊古堠迷霞繒染魚尾沙磧散霜蹄百里違京邑風光已不齊

榆林道中和王荊公西太一六言二首

畫舫笙歌翠繞湖樓燈火紅酣五六年前曾到至今夢憶江南
相馬遠游雞塞榆林近萬峰西莫問行邊景物亂山古戍淒迷

大風車中吟

大塊噫氣雄笙竽酣灌耳蓬車宛漁舟浩瀟長風裏下帷學跏
趺涼潑衣裳洗回憶筠谷前萬綠鳳飛起

岔道口占

纔出居庸口羣山更莽蒼千尋羅壁壘一線走邊牆時靖兵鋤
菜途荒客裹糧雲中指宣鎮遺迹問鴈房

廿七日晚出官溝至岔道和東坡出峽舊韻

車出岔道口豁目原野曠星飯坐山茨茆柴飲酣暢追思昨歷
境阿窻未遑訪絢履雖未周籃筍已先上背讀摩崖碑詰曲頗
健忘碧飮太古薜青驗客秋漲峰尖攢劒鐔坡圓覆孟盜琴韻

珠旒泉石氣金銀墳迤深隄經西東忽迷嚮四山抱涼翠石
家張錦帳肌粟玉樓寒陡絕三千丈兔起復鶻落層厓看疊浪
中圍古戰場折戟沈沙葬殘陽入荒寺老衲撐竹杖龕鐙青豆
幽潭淥碧玉釀禪榻夜譚虎樵夫豈余誑蜀繭吹腥風險巇筆
難狀竭來狼山陰北狩感師喪蒙塵辱主辱誰畫凌煙像襟懷
鎖卓犖川塗陟夷蕩出關馬骨強我神倍張王山風挾雨飛煙
際鷓鴣唱

土木堡

巖疆土木賸空濠立馬遺墟想俊髦窩帳黃龍蒙難忽奪門石
帥策勳高爰書漫辯襄王立甌脫終歸雨帝操此舉無名讒歷
語覓魚賺已兆兒曹

出居庸關馬上口占

居庸西上磴千盤蕭爽輕颿拂轡鞍曉衣絺綌晚狐貉寒暄只隔一重關

懷來縣

百雉壓雲根驅車苦霧昏天寒日色淡沙溜水波渾短褐經霜黯蒼顏藉酒溫西來數州郡五邑獨雄尊

榆林土木保安雞鳴懷來五邑惟此最爲

壯雄

冒雨抵保安

煙梳十八好雲鬟潑墨縑緙高米間蜀錦障泥汙不惜塞垣貪看雨中山

保安曉發

潑水寒如許裘裳幸備攜婦鳩貪喚雨童馬學衝泥旭影銅鉦爛新禾翠毯齊芳荷與晴雪纔隔數峰西

金龍口茶庵題壁

一茶亦是佛因緣
蘄嶺洋河路隔千
聽說辛年逢異漲
奔流直到石龕前

雞鳴驛

征軺周歷五山城
謂榆林懷來土木保安雞鳴共五城
殘壘蕭條少戍兵
爾日關西仍腹裏
不勞食客學雞鳴

宣化府

崢嶸上谷誇雄鎮
睥睨霜笳入據鞍
河繞羊腸波縠細
嶺翻龍背嶒
颯寒豹房遺礎黃蒿沒
鴉色神軍組練團
繁縟風光數家裏
風流朱壽說鳴鑾

由老龍背至響水鋪山徑巖險偶成

雲根倒插入潺湲
藤蔓縈繆野攸攀
誰識窮邊螭螭塞
深藏雄

秀好溪山

鑿巉石骨翠模糊龍背欽崎險莫扶羶笠騾綱紛鬪蟻延緣石
縫曲穿珠

江彬暱狎幸承恩燕導帝行出雁門虎圈蹟湮荆棘裏居民猶
說上花園

餅餌風香麥浪搖山田利作水田饒安閒自得涵濡力遠導清
渠灌黍苗

由宣化至張家口途中書所見

柳色川光入望寬帶環宛轉埭隄盤旗亭句妙誰遑讀他日歸

鞭約細看

萬柳亭有方宮保詩碣

峰巒割截作籬樊鵬霧鴈風冷塞垣下馬豐碑難驟讀文鏤金

旌字西番

料峭餘寒上柳條沙虛平印馬蹄驕白雲飛出山容淨小麥青
蔥繡嶺腰

迢迢繁徑失西東輪鐵劄碎嚇耳聲詎是姽婁烹煉贖劫灰陶
出石窠紅宣化府山多紅石

精神方鏡磨逾朗山色如書讀不清古驛黃花舊烽堠蟬聯棋

布抱雄城

黃花驛在居庸關外

走馬來過嶺上村幾行疏翠鎖關門玲瓏莫說峰娟秀嶽峙終
輸氣象尊

坐如畫齋行館有憶

兩椽茅舍枕山寒過午驚飈響急湍遙憶澹園新筍茁風梢翠
已出闌干

五月朔日抵張家口左右兩翼總管杜噶爾策里克不

克等率牧兵遠迎喜而有作

望塵蕃馬蹴成羣道左國人羅拜紛綠鬢行邊新使節錦袍磨

盾舊參軍

子於癸酉年從事滑城隨佐芝圃相國托津營中提調察哈爾馬並吉林官兵勦李文成于司寨故翼長

杜噶爾策里克丕克等在開州隨營多識之

烏桓部曲仍精銳鹿塞賢王信恪勤眼

界敢云空冀野天閑駟駟看屯雲

喜晤口北觀察

阿勒精阿

偕聽宮漏侍 乾清多繡承

恩擁傳行豈意來宣古雄鎮重逢修史舊名卿

嘉慶八年觀察與子曾充

纂修官

山圍畫戟餘香凝織偏弓衣好句成知我乘軺事鞅

掌翻勞條案出郊迎

贈澹如都統

瑚松額

盤閫揖別記停舟岱馬吳檣感宦游何叔丰裁差瘦削

都統謂余較吳

中相見時

面龐略瘦羊公裘帶轉風流牙旗坐鎮軍容肅錦轡行邊牧政

優紫塞雄藩都護府蒲萄胡必憶涼州

公見家西安駐防

端陽節澹如都統邀飲衙齋卽席

紅閃牙旗鼓角張蓋公雅度倒壺觴蒲榴節物逢端午櫻筍光

陰憶故鄉舌本瀾翻尊

國語是日都統阿那保與余俱說清語

睫邊雲錦列

乘黃當筵忽記鸞坡彥細葛含風正賜裳

玉林行館自飲

白眉先生今聲斐起舞倏倏拍銅斗山齋寂闌少朋儔一卷蘇

詩尙良友披裘五月出冷關襟期磊落鬢髮疑劒鋌割電鬪羣

虎詩膽壓雲低萬山一斛蒲萄殊不惡教試鷗絃聆鐵撥青州

從事漫矜豪四萬驂駟壯顏色

初八日行臺喜雨

飄風捲雨亂珠跳潑黛天山望汶寥湛岳妍姿千里牧

馬中湛岳有妍

姿見東坡集

權奇尻滿十分臆芻糧價喜關前減水草傳聞塞外饒

四牡皇華看小試平沙拓掌趁車翹

今日試演夾竿車

初九日曉出張家口

萬嶺虎牙錯雄關峽底蟠風聲通雁磧山色接烏桓弓挂三邊
靖裘披五月寒據鞍誇壯觀紅日近長安

上壩

造化信神奇設險固難量迤邐螺磴盤漸歷青雲嶂誰料厓巖
嶺千里地平曠草肥泉脈甘天閑足游放揭來考羣牧登頓遠
晞暢回望所經途頡洞寒煙漲峰尖銳穿雲森然列戟仗萬壑
宣鎮趨層巒疑疊浪鵬盤但見脊俯瞰助神王暄寒意莫必裘
葛兩相抗由旬測景度地高十萬丈無怪馬蹄聲雲中響劉亮

少室及二華行滕勝屢訪相將較嶽崎伯仲肯謙讓自愧筆菱
弱恢詭莫能狀追思宦轍經斯游最奇荆天山勅勒歌雄特歸
想像氈廬擁鼻吟豪情屬雲上

扛阿車

誰家華路碾雙輪鴉軋聲來度嶺眞馬曳柴車人坐馬烏韉低
拗短轅伸

自土井驛至那林果爾地甚空曠

雨霽嵐光潑黛新草深榆塞綠初勻乾坤放眼寬無際宇內指
撐只數人

晚宿那林果爾住蒙古氈帳食羊

霜凝毳幕壓平岡輭腳殷勤捧酪漿今夜夢神應有訴氈根只
供踏蔬羊

那林果爾查馬歸坐帳中感賦

披曳羊裘詠五紵堂堂歲月感婆娑理從悟徹心常定政在能
行語不多願拔驕驕騁雲箭漫容驚頓厠鸞坡選才此日承
恩渥相馬其如相士何

商都雜興

有元拓跋舊宮庭消盡頭鵝詐馬名滿目邨墟少禾黍微茫草

色接開平

巴雅斯胡圖西北有城大
四十里卽元時開平遺址

明昌捺鉢似坻平水草豐時駱橐生一抹微雲山翠外春鋤依

舊勸春耕

有水草當賴馬處曰捺鉢四時遷徙春鴨子河深夏
吐兒山秋伏虎林冬廣平淀見遼史志行營序

國朝制度巴彥塔拉山外許漢民開
墾納糧隸獨石口同知司其事

戈壁蒼茫萬里途盤車北上塞雲孤海龍江獺魚油錦貿易新

通恰克圖

自素呢特至達里岡愛皆沙漠北通恰克圖許蒙民
交易設庫倫辦事大臣及理藩院扎爾瑚齊管理

滑笏波流克蚌河濫吹鋼凍舞婆娑插竿纍簪當蘭若雅岱山

巔鄂博多

克蚌河在上都牧廠東北亦名克衣綳河雅岱在正黃旗牧廠東蒙古名額倫拖羅海華言即鷹山也蒙古每於峰頂纍亂石插旗竿於上祀之名曰鄂博華言即寺也鋼凍西番樂器名以飼骨爲之

略無鮭菜佐壺觴漆格洞來勝酪漿自笑羸官宜肉食鐵鎗頓

頓黃獐羊

蒙古以馬乳桐作酸漿涼飲呼曰漆格即馬潼也獐羊一名盤羊性善鬥狀若羆而羣行塵霧溼蒸角上

生草每戴之而行

亭障蟬聯廿九臺烏拉規避意徘徊座牀聞過張家佛拌擲金

錢摩頂來

自張家口驛一臺察罕託羅海至狐克深鄂爾坤共廿九臺抵阿爾泰新城例設臺員以譴謫廢員應向

往來差役不數許以蒙古扛阿車及牧馬益之名曰拏烏拉張家胡土克圖每年至喇嘛廟集宗寺散福經過口外蒙古願以

所蓄珍奇名馬布施若胡土克圖以手摩其頂則歡欣鼓舞而去

滴殘酥乳化根菱雪色銀菇滿地皆榆耳臺心輸脰美貓頭筍

嫩許同儕

口外產蘑菇土人云馬牛乳摘於草間爲暑雨霧露蒸溼所化凡曾經插帳所茁尤甘脰名曰營盤口蘑

驚鷺坡畔草萌芽毳幕氈房著處家風捲駝茸鋪白氈錯疑邊

塞落楊花

塞外無林木駝毛脫時飄揚滿地渾似楊花鷺鷥坡在北海見楊允孚詩註

丹拱凌霄梵唱圓駝酥鐙照九枝蓮西方兜率多歡喜妮嬾花

髮色界天

喇嘛寺供佛像皆變相一日厄利汗二日作噫知三日嗎哈噶喇且多祕密佛

暖融冰井氣和溫石納烹來汲水渾帳底香霏羊胛熟牧兒乞

食學猿蹲

狐土北山有冰井春末方融石納茶名塞外無他食惟煮羊隻蒙古見食羊羴則環繞乞食與之則羣蹲

帳前以刀割而陷之

毒蠱金蠶種海湄紅衣詛呪術尤奇披荆委佩無人取浪說風

瀉不拾遺

紅衣喇嘛善持誦黑經誛咒常故遺巾佩刀鑲等物於道旁拾之者中邪立病亦如閩廣種蠱魔勝之術

含沙射人知者雖路見遺失物件不敢拾別有戒心也

金帶圍傳廿四橋豐臺濃豔夙名標酒酣秀色餐偏可輒嚼牛

同采藥苗

芍藥初芽甘美異常居人多採食之

馱來細馬亦溫柔吉莫鞞尖映綠鞦試買鸞膠鴉鬢掠嬉游一

月不梳頭

婦女每以漆漆髮向番寺拜佛恆月餘不梳妝

處無屋宇種無田馬湏牛酥手自煎一自林丹歸化後蒙藩恭

順樂堯年

口外無屋宇皆住蒙古包及帳房向不耕種恐妨游牧以駝馬牛羊四項生畜爲生計風俗淳厚尤恭順

可嘉足見國朝處置得宜漢唐以迄宋明邊疆未有如今綏定也

達察烏登書所見

豐草綠茫茫鳴鞭入大荒電光奔駮駟星點辨牛羊水齧白於雪野花晴弄芳氈廬爨煙起知近牧兒場

抵博爾蘇木

百里平如掌蒼穹四望低巢痕隨地改

蒙古多逐水草佳處棲止氈廬隨時遷徙

色界天齊泉脈明駝識笙簧白雀嘒磧邊風鐸語絕微湧閭黎

音圖寫望

天圍圓笠浩無垠錦毯平鋪草色勻立馬高吟神更王四千載

內第三人

地即商都元時遺址漢唐宋明諸詩人皆未會到惟元遺山陸天錫二人探諸風詩耳

巴雅斯胡郎圖大風悶坐氈廬

風力毘藍猛凌虛走迅霆青雕盤大漠白雁聚迴汀馬湮溫宜

飲龍形烙稍停

是日風大不能查馬

下帷聊燕處趺坐閱番經

氈廬晚眺和查初白舊韻

大地圓鏡拓草綠繡芳甸環峰翠宛轉野卉媚輕蓓穹廬蟻垤

封百里睫邊見登庖炙黃羊穿簾窺紫燕原田望每每商都古

邦縣

即元時上都

寺夜

颼颼窗隙挾風鳴并作涼宵攪夢聲雲幕籠鐙衾潑水始知僧

是打包行

曉發約呢額勒赫諸克特亨

研螺麝幃李將軍
淦淦巖坳挈擘雲
馬踏草痕青棱棱
恍疑井畫稻畦分

巴彥塔拉天氣漸熱

夢味撩人夏正臨
雄風何處快披襟
四圍草色黏天翠
卓午曦光布地金
遠嶺平排青玉案
剎竿瘦琢紫磨鍼
蒙古風俗以石
累臺插朱竿供
奉名曰涼颼最
數漁莊好聒耳
鳴蜩竹樹林偏
偶憶之

雨後

烏桓雨過夏如秋
雲裏遙峰擘絮柔
自是先生風骨峭
蒙茸五月慣披裘

冒雨晚至巴彥塔拉

雲葉玲瓏潑墨鮮
西南陣剴電光圓
奚奴報到行裝溼
難燭甌

廬烘被眠

晚坐氈廬

夏入游牧滋草茁牛羊健塞花蜀錦鋪雨霽香風扇

大霧望塞上諸山

公超巧霧晝漫漫淡沱煙光鎖碧巒約略春人初睡起兩痕眉黛隔紗看

胡郎圖諾爾

平拓波光大鏡明野鷗冰雪愛雙清嬌紅姹紫花如錦繡徧平原不識名

塞上見鸛鶴感賦

胎禽綈袂共蹁跹素羽襍褻一足拳羨汝丰標冰雪淨聲聞咫尺達高天

大風入夜稍息

氈廬撒粟雨珠跳
電睽雷轟地欲搖
向夕天容轉澄霽
餘音萬弩射江潮

晚次咸安寺

丹繪煥雙瞳斜陽射紺宮
馬蹄秋水碧虎眼夜燈紅
剡關山無木呼號野戰風
吹螺兼伐鼓梵唱亦奇雄

咸安寺前晚眺

平楚碧無際荒荒野廟塹
駢牛齧豐草雪鷺點晴川
雲縷穿窗細峰椒抱寺圓
昨棲行幄景遙睇小於拳

玉林道中有懷諸友

玉螭荷芳綠漸肥
天山早見雪花飛
容臺二妙瀛洲彥
細葛含風正賜衣

田季高許渾
生兩翰林

蒙茸車騎發官溝未向蘇齋作款畱示病維摩禪榻靜青臞鶴

骨遣牢愁

吳蘭雪中翰

海棠闌樹作清譚忽漫榴芳艾葉簪一幘北風圖進後可曾供

奉入

齋南

姚伯昂太史

湖海元龍舊識荆宮袍司牧共苔岑幽人浮李披襟曰我正貂

裘度樺林

樺林背在度口堡邊外陳夢湖太僕

鷓鴣兒梁

短衣珥筆侍長楊見獵心雄樂未央待得馬肥秋草健鷓鴣兒梁

畔撒圍場

敦什巴爾臺雨中曉發二首

征衣白袷添擘挈雲乍吐石氣涼逼人前山正風雨

山色望淺深登頓拾階級不知身入雲但覺衣裳溼

壩上

古郡興和控百蠻高臨象緯北風寒邊牆廢壘雲中簇到此都成俯首看

鳥下鴻飛側翅斜青峰翠湧萬蓮花欲窮眼界坡陀頂伏處真同井底蛙

廿二日巴彥塔拉查馬事藏喜成

考牧烏桓已策勦風饕雪虐感辛勤孫陽漫說空燕冀藻鑑驪

黃百五羣

太僕寺兩翼共驪驕馬一百五十四羣

賦歸早慰倚閭望喜溢眉間色映黃關裏荷花關外雪又增閱歷富詩囊

廿三日晚次達拉圖宿山麓

一灣暖碧抱墟煙餘綺紅拖夕照天彷彿杏花村畔路平岡新

草健烏犍

玉峰浣粉雪微凝向夕衣添半臂綾往日水亭深竹裏輕紈猶自說炎蒸

小白嫣紅錦繡堆罽賓翠毯訝新裁虧他蜂蝶多情甚不厭清寒得得來

氎廬雪色耀鐙光衾鐵寒森午夜涼誰料浮瓜剛夏入菊花天氣正新霜

考牧事畢宿三音綽克圖明日當下壩喜成

日湧扶桑萬里明鞭絲衝霧且如城碧蕪繡野看無盡翠嶺摩天近恰平神駿卽今堪駕馭蒙藩伊昔仰生成良材蓄庶邊陲靖馳奏彤庭悅

聖情

廿五日晚宿敦什巴爾臺始見茅舍喜題

鼠山魚泊浩無垠目斷林霏附郭村口外無樹木村舍一而月
自憐棲毳幕數椽今幸穩巢痕醍醐暖鬲斟犀畢蒙古禮每見
爲敬拒黍吹香憶瓦盆歲時記夏至民秣馬脂車童僕喜計程明
發入關門敦什巴爾臺距張家口一站

廿八日宿張家口行館大風雨悶坐題壁

萬鴛寥空射山風挾雨狂漲喧過耳迅嵐翠撲眉涼幸已休車
蓋無勞裹糗糧往時氈幄透屋漏喚移牀

入關宿山傍旅舍

搜几泉邊帶雪回一統志搜几泉在太僕正黃旗牧廠三十里天閑驥展耀龍媒
車痕碾草千里村店綠依山曲隈五字河梁別蘇李浹旬文讌
闊歐梅行廚日餉饒肥羜歸想山茨煮芋魁

萬柳亭

宣化城西偏苦風沙河水撞擊城垣輒壞桐城方宮保觀承種柳萬株城垣多被其利

浪打宣城走白沙
尙書種植護幽遐
維屏永慶苞桑固
壯觀應同細柳誇
翠綰鞭絲晴縹馬
青迴旆影密棲鴉
東涼亭畔征塵浣
點筆虛闌坐晚霞

晚次清河雨中喜松垞可盦兩弟來迎

商都考牧動三旬
振轡歸來澍洗塵
蕎麥雨涼沙甸繡
棗花風度竹簾新
雲渲翠濃於畫爽
襲生衣夏健人茅
店草窗殘暑退聯
牀情話茗柯陳

同懷弟法良校刊

男崇福謹校重刊

抱冲齋詩集卷十四

長白 斌良 笠耕

青海紀行集一

七月初三日奉

命青海致祭湛巴拉多羅貝勒敬賦

輶車又復趨星郵高捧宸書藻翰邁西極金天宣遠略九

重丹詔唁諸侯鳴雞月度函關曉立馬雲橫太華秋職忝使臣

持觴節好脩辭令布

皇猷

六月初七日自察哈爾查馬初回未而月復奉青海祭差之命

新店途次望良鄉塔

蟹舍環溪膩似油綠蒲紅蓼作新秋揮鞭笑指雲中塔曾記題詩在上頭

胡良

浮嵐潑黛眺參差
雨驛泥深馬度遲
疏柳橋亭蟬語急
胡良河上早秋時

抵涿州

窄堵波雙接太虛
朝虹千尺抱州閭
際天涿鹿蒼波吼
可有琴高赤鯉魚

琉璃河

螺髻堆青半在西
流澌淨碾碧琉璃
停驂觸忤江南感
如薺帆檣一帶齊

桓侯井

石螫蒼蘚敷葵首
穹碑削大書
漢桓侯於焉井斯鑿
炎精赤伏符陰火
深潭爍胡爲淩
寒泉涿鹿古城墟
落雄豪繫顧望
膺迹誰

偶託恢宏諸葛廬寂寞揚子閣矧茲桑梓邦銀牀舊曾作赫濯
翼德公長坂雄軍卻葭萌奪危關嚴顏解降縛名姬漢壽亭靈
爽衛疆索無波鎮清冷肝膽森照灼下馬汲芳甘煮以鎗折腳
道旁魏武孫慎勿飲一勺

渡北河

瓜蔓灌河漲瀾瀾魚尾霞烘映波紫懸車束馬載方舟邪許羣
呼雜流水對岸嫩灘挺鳴鶯沙淺膠船住堪喜撾鞭策我白鼻
駒遠投驛舍藏煙薺縣令捕蝗買蝻子小吏捱迎老星使

古城村落

鏡波露溼倍澄清蓼岸蘆碕略約橫翻羨村翁無箇事瘦筇閒
倚聽秋聲

安肅縣

墟煙橫雉堞白塔鬱嵯峨入饌魚蝦賤迎車雁鶩多園收官菜
把地產玉山禾風景無殊昔二年復此過

涇陽驛

炎景流金氣未馴嘔啞竹轎避逡巡亭前礎潤苔侵榻簾外雲
濃雨洗塵鞭撻忍加棚馬瘦給供應諒縣官貧大夫行役勞王
事肯使豬肝重累人

堯母陵

懿範欽神母文思仰帝堯魚鐙幽燭邃馬鬣笑凌霄治統尊無
上心傳世不祧松濤天際吼仙樂奏雲韶

定州

塔頂歸雲溼未收雨涼添著木棉裘隔河柳色陰如幄綰月梳
煙接定州

望都公廨雨坐

秋宇半陰晴
寒暄候屢更
雨來羣海立
雲靜萬峯平
爽挾衣棧
健風篩帽影
輕晚臨行館
邃梧竹繞西城

望定州佛塔

牽堵波森去
天咫欲往從
之路邐迤金輪未
肯見全身怖鴿迴
翔法雲裏
上元祝釐然
寶鐙綵繩架
厂蓮炬層夜村
明月回眸睇
卅里榮光燭
燄騰

新樂縣

磨盾飛書記
北征十年歲月去
崢嶸癸酉從事滑城會宿縣中
驚沙拍岸涼
堆雪疏樹如山綠
抱城虎渡蝗飛
奇迹少蓋殘車
敝長官清停
驂一事差強意
農屋喧闐打稻聲

公廨夜吟

書生積習比年仍卷帙巾箱厚疊層勇改新詩頻擊鉢貪看細
字近移鐙只譚風月原無涉詳按圖經惜未能明日滹沱饒古
蹟憑軒俛仰興飛騰

渡滹沱河

辛歲渡滹沱漲縮灘痕小今來喚舟楫瓜蔓蒼波綠水亦如人
身脈絡互縈繞方秋灌百川少壯盛髓腦凌冬潦全涸膏液漸
枯槁陰陽遞慘舒精理闡微渺君其問水濱河伯義難曉燕趙
匯眾流帶水縈迴抱桑乾及溫榆滹沱最易考緬昔漢蕭王帝
胄起臨鄣雲臺圖諸將祈父子王爪小元累卵如大業包荒造
王郎值梟張銅馬適戈倒蒙塵事北征六軍幾莫保倉皇蕪蕪
亭豆粥僅一飽賴有臧宮賢韜鈴頗機狡詭言河冰合回首琉
璃晶投鞭涉流澌飛過迅如埽真人信天授福豈待禳禱霸圖

歸想像煙雲入哢鳥方舟榜河口印須來及早漁父醉不知瓦
瓶酌清醪今來持蕩節兩岸開紅蓼歸時雪載途斯河應亦老

蚊和袁簡齋舊韻

豹足生汙濁飢驅繞鬢尋聚雷原得勢含刺豈無心蕭寺完貞
操江鄉伴越吟偶將紈扇撲說孝到如今

煙壺

僊草呼龍植冰壺一握看相通在呼吸臭味共芝蘭

摺扇

自得卷舒樂仁風好奉揚置君懷袖裏何處不清涼

筆

我友黑頭公觥觥董狐匹上下三千春卓爾一枝立

墨

小人戒在貪君子慎其迹凍凜一濡染伊誰爲洗滌

盥

陶瓦勝髹漆充實尤亨吉盧仝古仙人烹茶數盈七

鏡

太古一規鐵妍媸能立判因物以賦形胸中少成見

自獲鹿至核桃園山景甚佳隨所見撮合成章命爲採

山吟

窗鐙影還明黃子呼我起云曉入秋山寢食嵐翠裏披衣急盥
漱殘夢尙綺靡晨曦景初曜魚尾霞光紫山城曉如畫羃屋綠
陰美迤邐步風磴犖确鏗車軌初如嚼蠟筐殘甲梗齟齬繼疑
啖蔗梢佳境漸臻矣極睇兩崖分佛樓倚空峙隴蜀暨秦晉環
轅隨所指一關扼要津千里足下始

四山抱涼翠宛轉環琅青西向最森爽九曲羅雲屏松杉雜橡
栗蒼碧入高冥尙煩施鋤耰開鑿役五丁石骨卽佛骨法像誰
礪硯牛毛細字滿半刻楞嚴經暗泉響琴筑雜珮搖瓏玲雲鬢
排十二旁侍嬌尹邢汾陽老富貴光榮孰比聲

篆徑步竚篠看山如讀書佳處時一遭咀嚼味有餘舊路復經
過陳編理初熟五嶽起方寸雲霞隨奔觸雄特韓蘇文波瀾倏
起伏突然奮奇筆石筍天半矗其餘盡可觀嚴整各邊幅而我
事鞅掌張蓋游恩恩輸與雲中樵芒鞋賞華嵩差強肉食者所
歷皆盲聾仰止葉石林廿年負知宮

頓訝高穹窄石峽通一線膏肓處獲天紫翠雙目眩蕩蕩東天
門平削淨鋪練居士有愛蓮性最樂爲善治路利行人釀錢二
千萬嶽崎化康莊來往皆曰便屣屣偶駐驂峯勢倏然變懸崖

逾登梯奔溜如激箭頻年山漲發虹霓影中斷卽須覓鴟夷征
袍珠琲濺巖穴鑿神龜河伯坐南面赫濯靖天吳崆峒倚長劒
何年闢蠶叢注坡勢最陡竹輿響嘔腰繩堅結糾輿夫共牽
挽珠汗浹背肘人家隱山腹村落稱富有綠雲茅屋圍高低羅
八九比戶儼蜂房開牖山雲走老壽此安居桃源值漁叟家山
築團瓢亦復少塵垢方塘浴鳬鷺略約低楊柳嘉招老詩朋
瓶沽濁酒一爲符竹催鞍馬奔馳久勞薪轉不停自寅還及酉

固關

嚴劫神斧闢雉堞互連雲嵐滴裳衣溼炎蒸草樹薰關門雄表
晉澗路曲通汾鎖鑰誇天險時平老戍軍

南天門

壁立兩崖陡入峽疑深術迢遙一線通珍珉磬石洞飛閣榜凌

虛金碧藻隆棟當關立馬看豁然遠睇縱羣峯海樣來朝宗萬
邦貢層崖疊浪紛軒然大波送山田老衲衣補綴密無縫魚鱗
萬瓦鋪煙林巧填空天風吹我裳蹢躅宛驂鳳老宜瘦藤支慄
若朽索控今年游興佳南北星軺共蠓螭古塞門井陘曾飛鞚
嚴巒亦雄秀岌嶸冰雪凍表裏舊山川持較內自訟晉楚鬪中
原旗鼓實伯仲延賞興正豪桑扈聞晴哢愧無謝朓才好句青
天誦聊作記里鼓雲霞任嘲弄鐙窗憶恂怱出峽如出甕

長國寺觀唐碑

峭壁平疑削碑陰紀大齊金輪崇聖母鴛侶眷旁妻碑陰刻英
輪皇帝求福下爲九代
祖宗及妾莫氏錫祉釐祝餘鴻爪幽深印馬蹏銀鉤饒妙翰
豪筆漫畱題

山行卽目

廬有此松更古溪無漁艇纔幽高臥村翁夢暖野雲絮壁袞裯
兩岸齊拴巨絙文書巧藉彈丸直似書傳雁足不愁漲隔狂瀾
正定府大佛寺

日射琉璃染翠煙金容七丈見身全句驪歸化唐脩福碑紀開
皇締造年

搏沙妙構塑劉藍詭甲狎鱗繡壁嵌複道梯空穿窬篠涼風時
透紫蕉衫

抹電流光小刹那星輶四載六番過老僧相見添疑訝可爲髯
奴滿面磨

隋柏唐槐鐵幹道陰橫千畝綠雲稠雨風恐化龍飛去故把雕
闌四面周

詩亭拾得上水石頗瘦透可喜溯裏摘山花歸置行館

案邊戲題

草窗小憩茗柯陳淨滌征衫五斗塵闔苑奇葩九華秀一花一石總精神

井陘山行六言書意

舟渡滹沱漲合鞭梢晝風涼貌出范寬秋旅殘陽古堠松岡
泉眼珠瀑橫流石罅虬松自長晴空陡訝雷殷峯頂車聲正響
山水都含禪性灌叢豺虎無過巨靈略加脩飾化成五百阿羅
深谷午行多悶驕陽射石俱紅彷彿周郎赤壁惜無人借東風
魚貫輿夫似蟻金繩百丈齊牽聞道終南徑捷如何半借攀緣
青蓮天際初萌石筍雲根斜插偶然憑式低看阿育王呈寶塔
淮陰背水陣處碑陰碧暈蒼夜半山溪陡漲上流誰啟沙囊
路疊蕉心宛轉人穿繭子重重覲面峯巖千萬恐難遮斷行蹤

壽陽感舊

卵色天光晚霽開
車盤風磴自徘徊
澗邊琴筑流泉激
疑是催

詩雨又來

庚辰年七月過
壽陽遇大雨

側石驛

日色已亭午
車猶穿犖确
亂石漱細泉
珠琲影噴瀑
緣崖陟坡陀
方軌苦局促
欹崎厂欲飛
巧藉藤蔓絡
石龕供楞伽
半爲風雨剝
苔環折帶皴
石理訝斑駁
欲覓王孤雲
青山畫一角

老龍窩山寺和壁間鮑覺生宮詹韻

爲霖應有待
雲臥隱峯坳
法像窺螺髻
飛檐對鸛巢
谷喧鱗甲動
松古蘚紋交
吟賞僧畱話
涼蟾景樹梢

秀嶂列山屏
平分講室青
鐘魚閒歲月
車騎走雷霆
白雪和彌真
皇華此路停
豆房題瘠竹
高興振蒼冥

冒雨至祁縣

墨潑雲濃沛秋雨大道砥平城斥鹵眾夫肩輿呀喘多汗浹短
衣齊力努青泥沒髀步蹣跚恨少脩翎插雙股柳堠松牌取逕
遲公館停驂已卓午飢腸火灼耳雷鳴洗韞烘衣傍瓦甬芻尼
穿樹喚新晴共喜披雲紅日覩

縣上

附鳳攀龍十九年錄功重耳或遺焉負羈尙有盤飧報未必生
前吝賜田

冒雨自靈石至韓侯嶺晚抵仁誼鎮

萬峯匝市盤螺旋驟網逐隊九曲穿兩崖松檜青夾街中有一
線冥冥天我來正值秋雨縣泥淤沒胥行難前冠纓淋溼芒屨
滑躑躅鵝鴨聲喧闐望中雲氣滃鬱黶饋饅午啟蒸籠圓陰巖

竈窾不見底兜羅紫壁山谷填剛風暗射衣袂冷始知月到羣
峯巔竹竿坊接裴氏峪石棧乍斷天梯連山兜危坐心膽悸興
夫屢戒防踣顛灌叢蒼翳忽遮道麒麟高臥韓侯阡瓣香偶謁
古祠下欲思詠古心茫然粉垣詩板任高揭何暇細讀施丹鉛
山店小憩頓車馬高粱酒賤沽三錢爲祝山靈放晴霽行程無
滯催吟鞭峯坳快覩屋櫺比馬頭驛吏歡招延

雨中乘馬度靈石縣崔家溝

驅車崔家溝險巖筆難狀巖峪錯犬牙齟齬輔車傍左臨擦耳
崖右激繞足浪危坡一線盤延緣金脣上持鞚馭如朽恭儼大
賓相石滑訝膏沐鏡面踏瀏亮更有風磴泉橫流瀑奔放晴杲
步已難陰雨相遭况蠶叢及魚鳧石棧肯稍讓躑躅歷亭午粒
粟飢未餉人家正早炊爨煙雜嵐瘴一爲符竹迫胡敢事高尙

風捲雨絲斜油繖不遑障平生值坎坷退想心怡曠濟勝慕榮
阿蠟屐幽遐訪權作香山游鞭絲任搖漾鳥呼泥滑滑煙際發
清唱

霍州宋公墓

公名老生隋忠臣與唐高祖戰於霍邑敗績

翠華遼海作禽荒孤旅猶能抗晉陽籌借前星終敵愾智窮北
面恥歸唐汴隄鳳舸春風麗霍谷蟲沙夜月涼阜帳綈衣自神
武遲生爭不侍開皇

陰雨連旬征途阻滯霍州行館偶作遣悶

秋雨動十日征輶久滯淫浮槎棲木杪野水注蹶岑拔淖僕夫
瘁沿村嵐氣深竹雞唳滑滑排悶強清吟

霍州坡

一坡復一坡層坡拾級多坡下鑿窰洞坡上植嘉禾

下坡足任前上坡力注後八百里青驛宜飼十簞豆
坡前產赤土坡底刷黑炭赭石可汗垣烏銀足炊爨
坡左靈石城坡右霍州道淋雨雜鈴鐸聽來令人老

晚抵張蘭鎮

山名肖良友情難三日別青眼重迴眸暖翠浮巒嶠張蘭古雄
鎮邈迤雲麓接樓觀鬱盤紆墟煙乍明滅疏雨解畱賓郵亭駐
使節

郭林宗祠墓

去介休五里地傳有道阡驛亭涼縹馬高風仰前賢古槐表墓
門蔭芘百畝田本大四十圍含瘠節錯堅樞拜清介堂遺像坐
儼然緬昔桓靈際標榜習俗沿中朝稽黨錮清流禍株連先生
慕洪厓一鶴翔雲天觥觥司徒尉弗靡鳥脫弦嘉招黑石渡御

李舟疑仙砥行卓士範慮沈洞機先服膺蔡議郎宏辭無愧焉
惜哉蝌蚪書漢隸碑埋湮茹古鄭與傳補碣重鑱鐫蔡中郎隸書郭有道碑今失無可考國朝鄭簠谷口傳山筆陣東京遺妙翰驚鴻
青主手摹二通見在祠廡深得漢法
翩摩挲賞波磔欲揭忘椎甃延覽適乘興山雨鳴歸鞭且學巾
墊角影纓風外偏

趙城冒雨曉發和蘇東坡女王城舊韻

樹擁秋雲失遠村灘聲砰訇激雷門風襟星飯勞鞅掌帶水屏
山滯旅魂屬玉頻嘔泥滑滑鳴珂重過雨昏昏衙齋指日聯牀
語表裏河山待細論

周村廣福寺小坐

路出周村南山徑漸平行輿夫步舒徐不復聽牛喘奔馳同渴
羌欲請息勞免綠陰繞蘭若崇墉面層巘相將入寺門踏破半

庭蘚村僧笑啞羊那解楞嚴演階前埽柿葉瓦鎗烹茗薺嫩晴
豆房幽花溼露光泣擘窠誰氏書險麋灑楣扁西湖八十叟靜
契通內典此卽是趙州禪悅欣昭闡更愛鼠姑叢繁枝遮碧磬
僧言值開時連鬢藥鬚卷色並翠盤孟千朵不遑翦公來惜稍
遲天香未睇眄茶話忽移晷塵襟此中遣夙欽象教大因緣別
深淺而我居京邑相去路非鮮何期鞅掌忙於茲躬攀踐飛鴻
印雪泥籠紗題紙繭佛意果云何一笑青蓮撚

雨中至洪洞縣蕭令

培厚

冒雨遠迎作此酬謝

菱塘柳陌路延緣曖曖村墟欲上煙多謝殷勤蕭令史藍袍拖
雨揖車前

館人親奉雪甌茶鼓吹聲中集晚衙涼雨迎秋連月額相逢只
管問桑麻

晚抵史村驛

金颿颿颿卷秋雲
灘漲波聲十里聞
正是鄉心無處著
一行新雁渡臨汾

東鎮小雨

一逕入深谷
馬頭雲氣低
晚風輕颭葉
微雨不成泥
柿顆黃金
纍纍叢碧玉
齊土膏滋宿
麥喜覓叱耕犁

郭璞讀書處

揚子江心森砥柱
魚龍窟宅藏公墓
涑水橋陰碑碣高
舊記先生讀書處
以牛易馬晉業隆
術精圖讖窺鴻濛
千秋招隱思芳躅
水木清華迥不同

七月廿九日重過聞喜縣感賦

山城斗大枕雲孤
振策重尋過隙桃
色依然垂帶綬
霜痕無

那染髭鬚堯年鶴語驚前歲軒鼎

龍昇痛舊湖職忝馬曹奔走役馳驅難報

聖恩殊

寄懷吳蘭雪

香蘇話別閱三旬歛鉢風鑪總靜因菊澹宜偕方外賞花嬌可
放坐邊春中條嵐翠衝寒度小閣蒹葭載酒頻畢竟梅花近標
格雪堂重醉老詩人

曉發樊橋驛

階前秋菊綴秋英山驛黃茅旅夢清自笑浮蹤雲衲似晚鐘住
腳曉鐘行

茆檐星飯暢騎懷迎送蒙茸客主皆聞道盈途秋潦盛障泥重
整縛青鞋

偕行叔度量汪汪茶筌詩囊暇共商猶說年時初縹馬霜痕輕
蘸柳條黃

晉陽俗儉尚唐風峻宇崇墉築處隆記否江南深巷好籬笆斜
映馬纓紅

樊橋驛

晚次樊橋驛雲開雨腳垂綠蕪懸古塔蒼檜表崇祠山遠虛亭
得蔬香老僕知三年輪下坂鐙牖復題詩

高亭道中

柿葉霜痕溼翠凝雲崖轉處指高亭分來嶽色河東滿已覺中
條潑眼青

寺坡底買茶

黝然蒼辟紋庚庚搗香篩粹捶雲英鳳團龍劑那足數製來膏

乳流脂精劃成祕省花輒樣深刻朱鈐雙印朗好教到處度津
關賈客湖湘浮雪浪縣包紙裏疊巾箱攜將好贈左賢王銀鎗
桐酪和雲煮教識天家沆瀣香

同懷弟法良校刊

男崇福謹校重刊

抱冲齋詩集卷十四

長白 斌良 笠耕

青海紀行集二

崧亭十弟來迎小住行館喜成

繡衣衝雨立車前把袂相看喜欲顛
安問萱堂今健否輝聯棣萼復翩然
頻探食性調羹雋小住行臺旅話圓
越境遠迎如入境棠陰原歷晉山川
天教萍聚亦前因秋老荆花爛漫春
條屬庭邊多舊雨臧奚階下半新人
攀來風柳條條綠重入華陰步步陳
河伯也知憐使節洪波安送渡征輪

潼關署後小園十弟邀同游覽卽題

寥次鱗雲閣雨聲銅鋪款處值新晴
千章灌木高凌漢十畝芳

園近枕城過客有情閒蠟展主人得暇卽飛觥從來傳舍經營
少惜乏琴書度畫楹

飛閣凌虛復道周女牆低亞畫欄幽中條嵐翠當窗立萬錦灘
聲繞鳥流宗炳印禪開白社蘇軾坐嘯起黃樓褰裳登頓詩襟
豁短薺黏天極睇收

紅泥亭子漾波光伯仲相將話夕陽畱得殘荷涼聽雨種培秋
菊晚宜霜黃雲稻熟迷高隴碧玉渠橫出短牆公暇履綦聊徒
倚權當問俗課農桑

相賞煙霞亦夙因蒙茸兩度駐勞薪對牀轍軾聯兄弟捧袂劉
盧屬世親荆樹景團千里月皇華藉聚一家春題箋教勒西齋
壁畱印飛鴻爪迹新

寄懷鮑覺生宮詹姚伯昂太史徐星伯中翰

每於陶壁識公吟，繞指剛成百煉金。
直道事人天自鑒，虛懷接物我尤欽。
校書天祿藜燈燦，侍講文淵玉漏沈。
太華崢嶸自千古，何可容邱垤附苔岑。

白髮南齋舊史官，祕書重校傍文瀾。
金蓮歸院瀛洲羨，玉尺量材汴水寬。
虎僕日揮煙墨潤，鼠姑親翦露香團。
元暉不改圖縑素，吟徧青山當畫看。

城南余獨美徐公，日策青驄踏輦紅。
卿月台星光照朗，蒲昌蔥嶺路探窮。
菊緣花晚香沖澹，書愛藏鋒力渾融。
聞道東陽瘦腰沈，薦蘿絲可翳喬松。

與十弟話舊

西來舊治數郵程，共把循聲告乃兄。
礪節懸魚頻示客，守謙問雁不呼卿。
官因遷後評逾確，客爲初來倍有情。
日餉牙盤勞儻

從早修書札謝羣英

由潼關西行別十弟

衙齋連夜設壺觴累汝全家臧獲忙爲數程途整行李細量寒
暖補征裳共談往事聯心曲每說年華指鬢蒼瞥眼言旋重把
酒不須惜別悵河梁

渡渭

方舟朝渡渭古縣指咸陽雲棧分秦蜀山陵接混茫灘遙人聚
蟻岸壘石成羊五兩東風便渾疑雁鶩鄉

由咸陽至醴泉道中

秋風匹馬度咸陽浩蕩高原極睇長斷瓦拾殘多五柞遺宮燼
後失阿房礧溪碣石一漁叟碧草荒陵幾帝王俛仰秦封過懷
古風雲此日尙軒昂

雨發醴泉縣

夜雨洗雞聲魚雲忽放晴輕紅蕎麥潤重碧柿林明縣帽涼宜
換羔裘製已成麟游山縣遠重叩醴泉銘

乾州行館阻雨

天瓢飛灑滯脩途弭節翱翔興不孤遮莫征衫真翦瓦何曾鄉
味日烹鱸閒懷舊雨酬書札靜對秋雲滃竹梧挂起西窗仁晴
杲婦鳩偏雜隴禽呼

雙情

雙情生小眷鴛鴦那寄真珠字幾行底事嬉春逢六角浪傳聽
漏共三商朦朧曉月低楊柳淡沱煙痕冪海棠茲夕當窗眠也
未臉波紅沁繡檀香

永壽縣

停驂閒問俗，無古南幽圖。按雞閭舊，藏鷺嶺陳。武陵寺北，建明太祖賜碧峯禪師金襴袈裟，尚存。泉稀知土厚，給薄諒官貧。行館偏能記，煙霄石塔鄰。

監軍鎮

白衣蒼狗幻浮雲，節鉞威權璫寺分。回首昭陵秋草合，空餘雄鎮說監軍。

邠州道中

衝泥行十里，亭午睇曦圓。屋影聚深谷，泉聲飛上天。油桐高有韻，山柳瘦無煙。館吏烹葵獻幽風，大古傳。

中秋夜長武行館偕黃茂才

景沅

玩月作九言體

前年賞月澹園聽雨樓，嘉招小宋酌彼藥玉舟。秋空寥泬雲葉淨，無滓天晴瑪瑙湧出珍珠毬。去年京邸醉月華堂畔，蛻膏四

照蓮漏催銀箭。餽梨棗時，祀廣寒宮兒女。青紅忭舞，鐙前宴
今歲，奉使遠涉青海，去路出長武古縣，停征鞍，多情子，真持贈
月樣餅，祝我每逢令節，常團圓。櫻桃水引，詎足比芳烈。紅綾十
字，亦復羅雙單。須臾冰輪澄潔，騰東海，萬籟無聲蟾魄開，霞彩
阿房好時，蒿沒古原，湮賸有萬劫。秦時明月在，緬昔蘇髯夜游
承天寺，纖影波痕藻荇鋪滿地，何處無月共此竹柏光，但無我
輩二人，得領蕭閒味。舉杯大笑，相語黃子芳，四千載下，瀟灑巾
幅，狂我爲玉局，戲下一轉語，此夕滔滔無如爾我忙。

涇州

風磴千盤，取徑幽平原曠，闢眾峯頭。童疑裸國，無窮袴農雜羌
夷，裹毳裘居傍層崖，多穴處家，藏窖水乏泉流，西征纔入，湟中
境，幕地寒飈冷宿郵。

過邠州瞻禮大佛寺喜題石方丈

村前靈石似排衙
柿葉紅於閬苑花
天使問禪停竹筍
山僧迎客著袈裟
喜瞻圓相秋剛半
縱躡方壺景莫加
小憩豆房塵慮滌
清涇旋煮雪甌茶

雖僧導我陟層樓
仰面纔看象座幽
彈指可能醒濁世
低眉應亦小并州
寺開隋室煙霞古
雨蝕唐碑藻翰遒
一瓣心香程萬里
慈雲擁護海西頭

晚抵白水驛

不聞煙際溼鳴鳩
得路翱翔控紫騮
暖翠浮嵐宜夕照
烹葵剝棗值新秋
峯巔畫棟雲常護
灘畔豐林碧欲流
八月木犀蒸尚熱
巾箱緩整舊縣裘

白水驛古丁香一本溷迹風塵中作詩惜之

兩朝孤幹挺幽芳零落枝橫古驛旁夙豔同心結連理何曾翠
葉隱秋陽藥珠縹緲開銀闕香月依然照畫廊寄語館人加護
惜旗亭韻事比甘棠

瓦雲道中

螺翠四圍抱始知山境深柴車盤蟻磨澗水學龍吟委曲文心
妙蕭森嶺背陰瓦亭霜氣早高柳帶黃金

黃葉深藏屋山村罨畫中石樓層疊起水碓自然春鴉背殘陽
閃馬頭雲影重西征吟入峽瘦句愧髯翁

瓦亭峽

晚入涼殿峽一懼復一喜巖巒鬱盤紆到此勢震起雙崖儼壁
立一線通車軌潺湲好水川環抱激塵滓側身渡澗谿徘徊水
雲裏何人倚長劒分割岑嶠歸六龍拆坤維土裂贖遺址地高

逼象緯寒森凍鞭弭無怪元太弟避暑車蓋弛奔轡處甕中乍
出風物美地邈陟懸崖豎削排石齒昂頭睇層層削劣恐壓已
低頭盼雲竇頃洞深無底惴惴色焉懼戒心良有以危雖懾嶢
巖奇偏賞謫詭峯巒疊畫屏青天鋪作紙蛾綠渲淺深巨靈擘
手指脈絡相鉤連起伏竟端委高盤橘柚村低結魚蝦市延矚
忽神王更僕難悉紀或作佛髻青或作眼棱紫圓疑錦繖張橫
看翠屏倚玲瓏設鑪熏方正卓書几銳挂司徒帽危穿東郭履
風竿動鱗甲泉乳滴鳳髓縱橫車轄投崢嶸犄角抵昌黎南山
詩雄傑堪方擬董巨北苑法皴染得形似恩恩曳鳴珂雙目不
遑視蒼碧靜怡顏平生快觀止欲作障圖懸惜不通畫理吟來
當畫看鐙窗剔花藥明日六盤山欽崎更勝此屈指邱壑情足
迹添萬里檢點濟勝具名山事業始

六盤山

輶車細碾葉聲乾，螺磴縈紆陟六盤。
人入畫屏穿溼翠，路疑雲棧側飛翰。
任桑亮節，韓刀利，康定軍威。介馬寒鎖鑰，西陲天險，固東封函谷，陋泥丸。

靜甯州

高城空翠裏，樓櫓靄鱗雲。秋老霜脩，脆天晴，戍草熏。詩情庾開府，畫本李將軍。煙景西巖，邃頻思，浣俗氛。

宜山感興

路出高平，吹氣涼巾箱。檢點舊裘裳，鏡中雙鬢莖初白。巖際疏林葉半黃，行役起居加鄭重。入秋寒，暖費斟酌，量早歸好。慰萱闈望，百二秦關訝許長。

隴干息肩亭

在城南，明知州祝祥建。

牛欄豚柵暖墟煙穉紅堆滌園圓輸與緋魚祝司馬旗亭無
計息吟肩

青家驛

衝霜侵曉拂雕鞍螺磴虛無數百盤不信高原有城郭只疑大
地盡峯巒童山樹翦秋雲翳官谷人貧午爨寒到此廉風洵足
美甘泉一勺飲都難近山無泉土人
窖藏雨水飲之

安定縣感懷和袁簡齋集中韻

侵曉蒲萄酌數觴披裘打疊冒清霜預防淫淫黃茅瘴可憶蕭
森白壁堂翠巘穿雲勞展齒槐廳潑乳泛甌香枝陽漫訝冰天
冷已出飛狐古塞長

安定古枝陽郡屬隴西羌人所居
在邊牆之外地無泉所食皆窖水

西來耳食六盤名神定巉巖陟不驚秋隼直當眉睫過絮雲低
傍履綦生張鷟奉使游原壯王粲登樓賦有情稍喜長安如日

近金輪朝映畫旗明

告祭言歸歲欲除隴梅紅萼鎮相於旗亭煮酒權消渴竹筍看
山勝讀書板閣鐙紅微雪夜亭皋葉戰晚風餘子由近領商州

秩譜出輶軒待告渠

家松亭弟觀察潼商
昨將旅况託郵寄知

持節金天遠相賓宣猷濟勝兩平分停車驛使吟紅葉負擔歸
樵話白雲馬骨淩秋神更王鴉峯卓午日微曛星郵欲注河湟

考松漠還思續舊聞

近欲編青海紀略客途思
恩未暇異日待續成之

蔡家所

露輶行軒動崦嵫度石砭羊隨牧字蘭栗雜耕稷車鐸如相
答樵歌別有腔扶鳩來父老騶唱莫驚尨

會甯山行

萬峯匝市香篆盤澗橫鴨觜奔秋灘派演羊腸細淀繞波緣馬

足涼沙攢筍皮鞵溼渡復渡錦障泥挂看還看輿夫高歌行路
難七十二道腳不乾會甯縣萬峯環繞曲瀾沿行征人每苦之俗諺云七十二道腳不乾余因足成長句
亦採風謠之意云爾

晴嵐峪

西上蕭關霜氣清荒亭殘壘接山程驅車犂确心多戒聽履煙
霄眼忽明涼月秦箏彈古怨梅花羌笛動鄉情隗囂宮闕荆榛
裏隴水猶疑甲馬聲

由皋蘭渡河

黃河西上渡雙灣雨雪征程老客顏京洛故人如問訊秋風纔
度石榴關

碾伯道中

手持丹詔指金天八月行邊耀錦韉照眼玉龍來蜿蜒晴空積

雪徧祁連

九月初二日過冰溝

可川朝利涉迤邐渡深溝蠶蛹迴環市籃輿詰曲游鬢鬟
鬢瓊玉極雕鏤犖确鏗朱轂冰漸滑紫驕方春無秀草入夏尙
披裘白日當胸挂寒飈劈面兜紇干癡凍雀卽墨喘奔牛地險
消熨燧時平置戍郵伊涼森羽翼海藏此咽喉丹噶爾有前雲
貴總督鄂雲布
海藏咽喉
刻石壁間我馬驅馳乍高天霽景浮山靈迎蕩節野叟聽鳴騶
煦意迴珠勒晴暉耀錦韉隴喧梅信透溪午柳絲柔敢說陽春
化聊成白雪謳行邊民負弩治旅士修矛荒服

天威播巖疆樂浪收挂弓高閫鎮納賫伏羌酋漫勒燕然石光
華訖四陲

湟中吟

秋塞荒秋風涼雪積眾峯白鞭揮我馬黃隴西健兒好身手自
挽雕弧射白狼

碾伯縣

蒲海沿邊郡崢嶸磴道盤河冰連地結嶺雪極天寒屬國秋持
節將軍老據鞍西戎今底定何事翦樓蘭

平戎驛

不道平戎驛風光雋可人綠楊臨水潤紅葉染霜勻俗儉民衣
褐天寒屋積薪晴川鴨頭碧隨處浣征輪

閻門

萬谷笙酣翠浪奔崖坳日午氣溫暉洗兵卻喜西陲靖小隊弓
刀度閻門

曉度石峽和杜少陵舊韻

槃澗萬峯環逐步時易境長林生曉煙澄溪倒山影風寒馬骨
強霜壓貂裘冷念切倚闌望冰淵還自省

過小石峽風神洞

峽中峯勢巉巖洞穴山頂雲簷臥斷碑一雨剝曼漣字殘缺只餘雲曠間

三字傳是康熙初年過客所題詩竭卽用其韻題二十八字

洞壑空嵌仨塞雲斷碑文缺臥斜曛靜觀誰領成連旨風鼓琴
音策馬聞

古善鄴郡

西陲鎖鑰古滄州邊政夷情日借籌卓爾毛錐漫輕擲太平何
處覓封侯

青海鴻雪軒感興

菊花天氣晚霜餘歲月消磨薄笨車歷過好山猶想像初交良
友半生疏白魚紫蟹秋千里霜驛黃茅月一除詩草縱橫膾未

暇巾箱亂疊雜殘書

羈懷磊落以詩鳴山繞祁連玉雪清使者採風詢土俗將軍煮

酒話夷情河塹草淺秋移帳海滋霜晴遠築城年來逆番頗事

寢弱去秋議令河南諸蒙古遷居河北分列兩翼二十四旗互

相連結共防番患并於丹噶爾外察罕拖羅海及察罕鄂博新

建二城派甘涼兵一千五百名駐城防守一年更替著爲成規辛苦籌邊趙充國湟中兵甲事

躬耕那繹堂制軍有令甘涼兵屯田之議

鎮海堡

老鵲蒼頭耀錦叢征車曲繞水西東眼明羣玉峯千笏知是晴
雲是雪峯

九月七日行抵丹噶爾前詣札木巴拉多爾濟貝勒營

克圖大藏寺祭畢敬成

聖王懷遠略使者涉湟津鹿塞駐裘羣龍庭俎豆陳風高青海

靜雲鎖雪山春歸覲

宸衷悅

恩敷萬里臣

致祭札木巴拉多爾濟貝勒禮畢設薩琳於氈帳筵宴
左右翼出勒罕達及十四旗蒙古王公札薩克台吉
等皆與禮成敬賦

曉開毳幕映晴光日月峯高暖未霜擁劔傳杯雙闥鎮

是日丹噶爾協

臺及青海鎮馬金魁榮玉材同往伺應

帶刀行炙十名王紫駝膏煮瓊酥膩白乳

漿桐玉雪涼式燕禮成歌湛露

皇威赫濯震遐方

是日左翼盟長郡王策凌端多卜右翼盟長郡王貢楚克濟默特貝勒納木未旺札爾特

利巴珠爾公察巴哈台吉索諾木旺濟爾旺舒克多濟旺吉爾端多卜旺沁端多卜等十人皆入宴

碾伯河曉渡

碧琉璃淨碾晴川檢點巾箱滿載船彷彿青門前日渡柳煙沙
雨灞橋邊

深溝塘古柳

垂楊合抱柳陰圓山驛深溝畫晚煙西出紅城攀折少長條踈
地自年年

抵碾伯縣

山縣大河堧樓船翠浪濺寒森煙瘴地霜醞沈寥天青海弓全
挂紅崖信遠傳強藩羅卜藏革面百餘年紅崖子在碾伯縣西後藏驛遞均由此路
丹津羅卜藏於雍正年謀亂前大將軍年羹堯討平之

曉發平戎驛喜晴用白香山集中早春獨游曲江韻

蠻徼峯千笏排青日送迎蜺旌欣北指錦轡日東行雲映氐羌
暖冰融碾伯晴虬松沿嶺秀燕麥繞畦生霜樹珊高架浮嵐翠

織成沙虛盤塞馬柳老澀唬鶯峽浪驚雷動墟煙訝水明路長
愁足繭身健趁裘輕鞅掌皇華詠棲遲綠野情毳衣傳檀長西
徼近知名

老鴉堡

黃茅山驛喜逢秋暖脫蒙茸紫綺裘飯細魚香風味美楓丹柳
碧石塘幽槎浮雪鷺隨波遠牛載寒鴉入隴游記得菊黃蕭寺
裏尋花瘦馬晚鐘留

重渡冰溝

延緣仍谷裏晡曉忽殘曛萬馬雄風合雙螺翠髻分立崖寒貼
日幽磴曲盤雲我僕行非遠鈴聲凍不聞

登孩兒嶺

沓嶂似波紛橫空萬馬羣陰厓沈積雪高嶺聚寒雲毳幄羌人

舍霜矛隴戍軍籌邊諸幕府形勝屬傳聞

渡大通河

天連雪嶺峯峯白路出冰溝步步平持節東歸五千里停鞭愛
聽喚船聲

晚抵河橋驛感興

憶從奉

詔覲龍光水殿珠簾茜舊香鞅掌伏羅川畔路霜淒雁谷柳絲
黃

由河橋驛起程午間風雪大作行崖谷中四望頗多畫
意晚至平番縣籜鐙獨酌題壁

雁谷氣候殊九月涼雪飄同雲渲墨暈比屋堆瓊瑤官柳黏冷
絮低亞白玉條土膏潤麥隴泥滑溼板橋揚鑣度仄徑雲棧驚

虛枵緩策到縣遲驛舍樺燭燒下帷撥鑪火館人薦菊苗呼童
啟資甕暖鬲濁酒澆淺斟隨意酌真趣彌覺饒平心皆樂境羈
旅破寂寥

平番夜雪

風雪入平番青泥拂錦鞍山農多墜戶節使尙衝寒沆粉龍支
白酣霜鴟舅丹蚪松藏澗壑獨賞瘦蛟蟠

龍支谷在西甯縣南舊龍支縣地

平番縣

信宿平番郡衝寒振馬珂亂峯如畫障細水不成河落葉寒淤
凝秋禾滌圃多民貧無襦袴撫字意如何

大雪過紅崖口

千崖無聲飛白雪車軌樵蹤望明滅隴干戍卒急邊防弓勁馬
驕羌膽折狐貉重衣寒刺骨豺虎荒屯境岑寂出都三月一書

無北伫燕雲莽蕭瑟

紅城子

迢遞紅城路霜酣萬樹稠沿畦無滯穗插漢有高樓山靜民風樸天寒馬骨適乘槎沂青海吾道屬滄洲

朱井驛

翦綵楓千樹渲雲雪萬山晨征三十里初日照離顏衣線看新綻家書寄未閒將離灘際雁傍晚知還

九月十六日差旋抵皋蘭繹堂制軍那

彥成

畱住衙齋

盤桓三日書此誌別

湟中充國議屯田絳節油幢鎮塞垣草茁蒙蕃齊插帳冰堅番馬敢窺邊豹韜錦幄勞參畫雕羽金城罷控弦

聖主無煩西顧慮勳高名早動幽燕

誼篤劉盧本世親
皋蘭捧袂喜相因
頻遭雨膳多殊品
代製珍裘穩稱身
話久翻嫌樺燭短
契投迴勝玉醪醕
衙齋小住葭莩
慰怕說星輶轉畫輪

綺席新排振玉珂
升堂弟子樂婆娑
入秦琴筑高歌慣
近海魚龍角抵多
竹葉杯傳秋月朗
菊花天氣釀霜磨
紅牙漫賞吳歛
豔轉瞬三江玉節過

公暇委蛇退食頻
手疏泉石總精神
賣茶也學青旗樣
煮酒居然白墮陳
晉帖蘭亭千管禿
唐花雪窖四時春
偶招甄伯連三雅
頓覺清幽浣俗塵

晚過車道嶺

萬頃平蕪淡滲金
鞭絲帽影度崎嶇
白雲高嶺殘墩峙
翠麓人家晚爨沈
栗烈寒飈時掠面
巉巖風磴屢關心
東歸卻比西來

來時燕麥繡平岡，忽漫霜淒柳半黃。
客路屢經看漸熟，好詩不錄久多忘。
流丹閣峭霞標建，積素峯尖玉筍長。
山月未高巖黑路，朗然松炬導絲繯。

夜至秤鉤驛

歸程貪趲路，高嶺莽躋攀。
犬吠知村近，琴鳴識澗潺。
華鐙高映月，雲氣夜疑山。
王事相敦迫，垂堂戒早嫺。

題行館

麗譙荒驛靜無聞，白雪紅鐙嶺嶠分。
只覺斗杓低可摘，置身端合在青雲。

嶮口曉行

殼洗銅鉦際曉昇，浮嵐翠靄薄紗凝。
破樓鐘鼓殘僧守，畫壁戈

爰戍卒憑山店人喧開曉市溪橋馬踏溜漸冰青天素說蠶叢
險隴上驅車得未曾

窖水歎

安定縣處萬山之中土脈深厚枯乏井泉土人掘深窖接雨水以當飲啜余過是邑心甚憫焉

乃作是詩以歎之

崢嶸安定郡地處西隴陽萬峯互縈繞土厚泉源藏誰憐眾黎
庶吻燥如渴羌智窮出奇計補缺天工忙坐待霖雨施澄碧收
陂塘穴地作深窖譬蟄庭中央汲引藉修綆瓶盎生輝光周防
雀鼠汙白板函銀牀鬱堙蟻蠓生苔暈荇藻長其味苦鹹澀惡
劣難下吭居民甚珍重不啻沆瀣香醖面尙矜惜何況澣布裳
今年六月旱風起塵沙揚大壑鮮涓滴土圻龜兆方窖水立見
涸舉邑民徬徨從來值饑饉倉儲缺粟糧茲獨艱井養諺語稱
渴荒局戶朋友託襁負妻孥將逋逃別里閑遠就雲水鄉畦塍

任荒蕪賣犢攸行裝我聞邑人告感歎傷中腸羣生仰大化飢
食渴飲漿華夷同一概是乃民之常憶昨宦陝豫涇清洛泱泱
更樂吳會民沐浴需蘭湯奈何吝膏澤赤野無波洋祝天憫蚩
蚩應時甘露滂雨多積水富潤物江海當式飲適庶幾長養邊
氓昌

安定縣曉發

馬馱殘夢鎮兀兀昏驚徑度心怦怦啟明朗朗照爛如月危巒遠
聳高疑城良友偶值陳驚座妙句偏輸劉曉行博得蒲萄十斛
美惜少羌笛梅花聲

晴嵐山

礧礧車關晴嵐山蜿蜒線路弓靶彎馬蹏亂踏雲漠漠龍草遙
趁車班班黃泥屋宇索綯縛青稞穠稔腰鑣刪禿髮傳檀盡歸

化大昭挂壁邊成閒

晚至會甯縣雞兒背

枝陽巖岫鬱嵯峨高挂障泥喚渡河何處茱萸圓插鬢浪傳秋色異鄉多

重宿會甯行館

九疊翠屏繞巖坳闢坦途磬懸千室窘斗大一城孤斥鹵桑麻少嚴關士馬麤雁臣寒不到京洛奈書無東道驂重住西津月下弦窗鐙胡爛漫館吏復周旋久負煮茶約聊成說餅綠望空橋百丈出坎夢仍牽

翟家所山行雜感

九斛仙螺染畫屏水松牌記短長亭居人半住秋雲角門巷浮嵐鎮日青

亂峯古驛路淒迷
冬暖霜晴穀犬嘯
蓬勃浮埃眯車馬
衣黏惜少避塵犀

西出秦關驛路遙
夜寒楫拙教頻燒
麗譙荒徼聽難準
幾度呼童看斗杓

同懷弟法良校刊

男崇福謹校重刊

抱冲齋詩集卷十四

長白 斌良 笠耕

青海紀行集三

晚至靜甯州行館夜坐偶成和朱竹垞集中韻

高持虎節驅征車懷柔遠歷旣裘家囊韉左執弩前負牙將奔
走如麇麇歎山迂浦越脩阻黃茅荒驛排官衙簡書敦迫感摯
斂舒舒旗尾商飆斜破鎗折腳煮白墮重巖細菊懷霜花褰帷
隴岫潑晴黛髡柳接翅棲昏鴉吏人初散屣屣居紉如漏鼓宵
停搗擁裘坐對地鑪火山靜太古追羲媧

楊店陟六盤頂上

厯屢恆積雪照眼玉孱顏怪柏拗生鐵寒雲補斷山驟綱紛豆
點鳥道肖弓彎屈指論形勢巖疆控百蠻

由平家河至隆邑晤黃明府環驛館夜話題壁四律

徑度神林堡連峯勢放奔老青凋灌莽空翠合柴門鵲埽棲巖
隙魚標插樹根梅花關隴畔雨雪黯羈魂

擁傳相如至扶輿唱八騶風兼虛籟響泉挾斷冰流粉堞連村
隴寒山枕縣樓詩人高適在于役疊賡酬

土瘠民多樸村饑語不囂未能資保障聊復採風謠美女輸糧
布礲田堰黍苗相期歌五袴郛屋致豐饒

到此應投足凌晨陟六盤簾滕教結束裘褐互尋看匹馬來天
際驚鴻繞鳥端任桑塵戰處草木映霜寒

涼殿峽

弇鬱深疑術衣裳冷黛侵擡頭滂雲氣繞足激泉音翠壁開蓮
梵風牀響石琴明昌清暑殿花礎沒苔深

重過涼殿峽

巉巖刻露碧芙蓉水殿招涼認舊蹤極睇摩崖壁窠字春蛇影

躍翠潭中

涼殿石峽崖上刻峭壁奔湍四字筆致圓勁似松雪書惜崖高未識題款何人相傳元太弟曾避暑於此

因名涼殿峽

鎮日穿雲頻躡蹻車盤翠确怯山行尋麻灣度康莊值萬嶺青

排玉案平

自瓦亭至安國鎮路漸平坦山勢亦平遠可玩

高平山郭逕逶迤風戾桑枝漾酒旗日暮齋鐘下寒鳥一丸月

子照琉璃

安國鎮外蘭若極其壯麗

觚棱瞥眼晚霜凝隴岫涇波次第經昨日雪花栖袒褐東來翻

見柳條青

丹囑雨天氣甚寒至白水驛時氣和暖木葉未落

萬靈山麓陟何曾松鬢青蒼傍石棱芋火一炊鐙半壁靜因輸

與竹林僧

萬靈山在白水驛

十月三日重宿永壽縣

來時柅征車秋雨灑淋漓雲溼米堆峯苔侵山宇屋瞥眼屆元
冥堅冰凍澤腹古塔瘦於鍼晚傍崦嵫宿

重過太峪

日月等梭擲言歸值歲晏驛柳垂縑繆隴梅逗蔥蒨來時歎滯
淫秋霖間飛霰山程度礧礧飛泉舞撇旋青泥輒於縣十步九
沒骭僕夫肩輕輿珠汗時被面瞥眼幾何時前峯冰雪見

乾陵

陰乘陽位竊乾綱禍水滔天娥媚娘滿意翬玳瑁李勣驚心羽
檄識賓王雲翻鷲怪癯師憊地下羞逢醉骨香表隧番西羅像
石雌風猶足冠三唐

曉殿含元控玉鉤六郎鶴監擅風流耐姑幾見延宗祐帝女公

然佐冕旒鸚鵡夢迴傷蹋翅蓮花薄暮迴生愁五王不復廬陵
系石馬金甕已屬周

再至乾州

萬壑風煙旅夢清橋霜店月數郵程天開唐室陵原古地入乾
州路漸平關隴梅花含煦意旗亭楊柳繪秋聲敢云靡盬嗟于
役到及椒盤列滿庭

夜聞鈴聲

風外鈴喧徹夜聲明駝千里速郵程漫輕翠餅官茶串幾許辛
勞度塞庭

贈高孝廉

星紫

小住輜軒杜曲東如雲冠蓋集羣公閒評史籀岐陽碣不負窗
鐙一穗紅

銳意雕蟲鐵筆適六書精詣戴侗侔祥金樂石探尋徧當代楊南仲一流

贈錢茂才

杜

芙蓉幕下屈宋才腹笥魚雅書味該華封濟勝朝玉女草堂泥飲傾金罍班香馬豔駢體擅簪花倒薤筆陣摧青鞋何日得歸去雪棹西神探徑梅

十月十四日出潼關渡河東歸晚至可河

漲縮灘平鴨嘴浮蒲帆幾葉放中流雄關睥睨看逾遠已渡西秦第一州

鐙前束馬別恩恩舊雨長安想像中相送垂青帷華嶽隔河時復見三峯

謁舜祠

峻德重華協虞廷五岳朝播遷傳負夏風雨訝聞韶古檜盤蚪
榦蒼梧集鳳巢鳴條陵寢峙莫認九疑遙

宿寺坡底

峯頭竹院未遑登塔火星明最上層記者蹲鴟撥鑪火十年宰
相負山僧

北相行館不寐見窗月有感

疏鐙明翳漏初長月射窗油白勝霜卻怪夢回清鼻觀佛柑香
沁枕函傍

鏡裏

鏡裏驚霜鬢蹉跎來去今健忘增老態撫髀尚雄心雨愛移牀
聽花如隔霧尋行年過四十抱膝但長吟

題樊橋驛行館亭子

行窩誰爲闢榛莽牆短能排遠岫青今夜憑欄最清絕一丸涼
月照虛亭

夜抵東鎮

思量何處息勞肩曲徑昏驚翠确穿磨颭風鐙酒旗捲一株高
柳抱關圓

洪洞縣北橋禪舍題

佛殿琉璃翠柏遮香林法鼓震幽遐軒車惠遠橋邊駐一笑禪
堂且喫茶

晚至趙城行館漫興

山驛揚塵望欲迷衝霜復歷簡城西凍雲影壁低旗角落葉聲
乾到馬蹏心迹向來清似水躋懷無那醉如泥還鄉恰值辛盤
會兒女青紅喜共攜

廿日復過瑞獬村

漏天來恰值秋霖張協偏多苦雨吟攬轡東歸開霽色輭紅齊
印馬蹏深

師莊驛

細磴千盤迴平蕪四望寬白雲紛擘絮紅日轉跳丸遠使陪成
璫歸書報謝安青陽催改歲山驛雪漫漫
神斧何年劈松杉一徑分車麟驚出宿袂溼覺穿雲寒賁河陽
栗秋屯隴右軍郵亭應已近風遞市聲聞

白道鋪

驅車直上嶺雲孤煙暮遙村乍有無日落萬峯橫紫翠抱山詩
好屬征途

隱者

隱者荆扉閉，燈明照讀書。
夜窗寒說虎，雪澗凍叉魚。
徐稚頻磨鏡，羊求偶治車。
古牆脩竹繞風景，似吾廬。

重過靈石縣蟠龍菴贈寺僧

澤元

蟠龍庵古芋頻煨，重對禪堂老辯才。
草屐客曾衝雨宿，松牌僧每乞詩來。
雪凝鬢髮孤蓬轉，秋老關山一磬催。
呈佛笑看無長物，淨瓶新薦隴干梅。

韓侯嶺

霍叔封初度，韓侯嶺乍登。
車徒紛蟻陣，國僕學猿升。
遠樹排荆棘，寒泉挂玉繩。
山靈多蘊藉，膚寸少雲興。

仁誼鎮

山村藏斷峽，行館抗迴溪。
薄宦同雞肋，勞生信馬蹏。
菊松三逕遠，雨雪萬峯低。
霜冷膚皴瘵，梨花瓦甕提。

四十

四十年逾一蹉跎成老翁體堅風雪裏詩富道途中短髮染霜
白酡顏得酒紅縱然消髀肉奔走漫稱雄

重過淮陰侯廟題壁

下馬樞衣熱瓣香紛紛詩碣弔真王老來怕讀淮陰傳但見長
陵草樹荒

勲大由來多不賞魂歸鐘室恨千秋當時若保功名沒碌碌依
然絳灌儔

感懷推解憤孤忠志定何曾用蒯通儻或奸回心背漢拔山力
恐遜重瞳

飄然辟穀赤松遊共詡知機善自謀貌似婦人帷幄畫漢高原
不忌畱侯

鄭國公富弼故里

社稷安危繫擎天三十年忘情家語燬弭謗國書詮鴻雁哀黎
庶熊羆靖契丹黃金添鑄像合祀有三賢

介休建介之推廟郭有道阡惜少鄭國公

祠宇耳願當道諸公留意焉

大風夜抵平遙

捲地狂飈與耳謀牀邊鬪蟻訝鳴牛寒窗瘦句抽豪咏凍墨書
成字更遒

夜至徐溝縣

黃昏抵古縣樺燭迓長林瘦轍凝霜滑高城繞霧深天寒河漢
朗夜午麗譙沈明日山程宿聯牀快旅吟

太原曉店途次喜晤家雲耕二兄

蘇成額

時承宣三晉

一門柴戟儼成行難得相逢各宦場語到性情多骨肉裁成裘

褐禦冰霜壯懷青海初旋轡清話黃芽恰對牀莫笑歸裝無長
物風謠徧採入詩囊

小住衙齋感意拳簡書敦迫敢遷延晚催驪賦歌三疊早覲
龍光尺五天春盎甘棠風乍轉月移荆樹影重圓珠江開府趨
朝近把臂觚棱別有緣

夜入史村行峽中

鼇震拆坤維亙古未合縫柅車厯槃阿昏驚巧鑿空笙竽幽谷
鳴聲發趁虛哄延緣蟻穿珠湮鬱醢伏寶松枯秀兩崖交柯翠
陰重按轡厯窳窳儼入容城洞昏旦氣候殊日月跳丸弄广垂
石崕呀青絲敢飛鞚緬昨度六盤巖險少伯仲莫測崖竇深俯
眺煙嵐凍履此儼康莊神恬絕駭恫況值霽色佳暗塵雜雲曹
何事張黃門苦雨託吟誦凌冬風景枯濟勝設清供霜凝冒丹

杞泉涸乾碧封崑陽如故人千里垂青送出峽愧眉翁雄詞乏
研綜

美伯驛曉發

風勁冰初合衝寒整絳袍秦關淹歲月汾水息波濤沃土山禾
積豪居瓦屋高驅馳王事重執掌敢辭勞

北相道中

侵晨遠行邁霜霰集華韞幹裂松心直冰凝澤腹堅雲山三晉
路蝦菜五湖船藉問山茨客平陽阿那邊

短歌行

維秋九月淫潦載途攬轡來斯塵壒沾祛畢連烏鵲母猶將雛
嗟我行役親日倚閭

溫其狐貉足以禦冬淩兢長帽曷畏長風冠蓋遮拜豈足自雄

秦晉貴游不若淹中

驛馬瘠矣國夫憊矣瞻彼前路距三十里巉巉霍山悠悠汾水
載馳載驅夕未遑止

門外燭牂影互虹光載卸鞍馬載羅酒漿授餐適館厥情孔臧
曷分況瘁惠彼蚩氓

隴干寄遠

手持虎節履巉巖羣翬帷乳酪拈檢點貂裘須早寄羌西霜
雪勝燕南

嚴家坪至壽陽縣

長亭高柳幕亂轍斜陽劃馬蹏踏冰漸人影散林薄柅車霜滿
途稅駕日沈閣孤標建浮圖鞭指壽陽郭

曉店喜九姪保齡至夜談達旦卽用其韻答之四首錄

三

邊笥曹倉富五車金張閭閻詎矜誇崢嶸夙詡森頭角緒論初
聆燦齒牙乘傳天寒膚起粟下帷課密徑生麻龍文猶子聲華
藉蓉鏡行探及第花

曾挽雕弧射白狼鵲兒梁畔凍雲荒玉關楊柳秋蕭瑟羌筵梅
花調激昂錦段行邊重譯邁羽書磨盾十年強弓衣繡滿珍珠
字拍入霜笳聽播揚

芳躅何期軾轍同巾箱鶴俸辦裝空騰鸞爭羨摩天鵠竭蹶休
嗤負板蟲珥筆螭頭香滿袖挂帆鶯脰雪低篷蠻煙蠻雨多卑
溼珍重珠崖舶趙風

時家雲耕由晉藩遷東粵姪將隨侍任所

重至石門村長國寺向山僧覓唐碑搨本

豆房齋罷午鐘圓茶話句畱一貼緣檀越布施真雋逸解囊先

贈打碑錢

青玉峽

方紋折帶皺礪柯巨斧剖層累拾階級疑出五丁手維時厠元
冥苔乾黝然厚想見雨初晴琉璃屏疊九

入固關

關門高與嶺雲齊俯瞰煙嵐眾壑低欲寄尺書頻悵望太原已
隔萬峯西

重至龍窩寺題方丈壁

林垞禪窟邃駐蓋訪支纖舊雨畱詩版

壁上懸鮑覺生席
寶巖二先生題句

寒山

染畫縑僧窗涼葉墮樵磴凍雲銜合十參圓相蓮花第幾尖

豆房閒極睇山氣曉偏佳鐙景琉璃淨曦凝紫翠皆石紋鱗甲
動地籟筑琴諧半日浮生話鐘魚暢好懷

井陘縣

孤城堅似甃曲詰走奔龍高岸虹霓斷方舟鐵纜降寺頽森宰
堵槐古冗空腔下趙餘殘壘淮陰信少雙

下安村

崦嵫藏聚落醕里住尤安禿樹懸崖挂巖牆亂石攢茅柴香啟
囊寒具膩堆盤向晚征袍換長風掃翠巒

井陘道中

開雲冠蓋太恩恩學賦旗亭句未工輸與詩情驢子背亂山茅
店酒旗風

見釣叟

釣人坐灘石風射蓑衣冷相對鷺無言澄波浸山影

望山縣

萬山蟠蛹裹山城抱疑蟻寒碧瑩琉璃奔湑不遑凍

泚水

五色勻圓卵石鋪銀沙浩渺接平蕪雨昏煙碧吟秋客不數詩

人鄭鷓鴣

出山

輪鐵消磨認舊痕平潭東上萬峯昏巉巖刻露芙蓉碧村落端
應號石門

和吳明府

曾貫

題金天奉使集中韻

汗漫乘槎老客星高吟題徧海山青扶鳩驂條逢迎慣最喜甘
棠治再經

風謠閒採入詩囊笑比山陰應接忙深愧巴音歌下里忽蒙矜
寵灑斜行

卬角相交誼倍親兩番跋馬聚咸秦問卿瀟灑官曹暇日詠南
咳介壽春

意外相逢喜欲顛搏沙小聚信前緣剪燈燒筍琴堂話風味依
稀二十年

海懷軒雪後偶題

習靜每貪深夜讀愛閒還恐客人來雪中買得梅花本淨洗
甌手自栽

凍雪潑罌曉嘗陰坐擁孤裘擊筑吟卻怪竹扉朝未啟閒階鶴
步印深深

歸家偶作

冰天雪嶺萬千程鞅掌歸來慰遠情索果覓梨兒女鬧恰勝騶
唱馱鈴聲

律轉青陽近歲除
沿門鐙火索鄰連
齋鹽瑣屑家常累
未得時還讀舊書

歲暮至良鄉縣掃墓

豐林高塔影參差
三舍郵籤騎未疲
魚尾霞天紅鞅鞞
鴨頭漲淥碧琉璃
幸無野鹿松身觸
猶記驂騑柳驛馳
月前余自青海館鄉里兒童疏遠識宜春帖子換門楣

祀竈

盈耳喧闐爆竹聲
青陽律轉歲崢嶸
黃羊豈是閒官辦
樺燭糝盆祀竈誠

贈糜太僕

奇瑜

盆梅

菱菱餽歲無方物
拗取寒香贈雅人
吹起岷江千樹雪
一枝聊作蜀山春

太僕蜀人故云

梁園市歲記同官驢背尋詩乘興難今日閒曹丰格近耐霜冰雪好看

京師陶黑沙爲酒具俗呼黑小子戲題一律

畢甕薪傳知守黑壺天小子樂其真結鄰從事青州雋飢坐麴生阜帽新土銚沽春雲潑墨瓦罌消凍雪沾塵太元草罷甜鄉覓時復中之屬解人

和黃茂才

景沅

感懷元韻

聲價轡龍媿茂先輒紅硯食又經年任他人海磨輪鐵吟過梅花細雨天

畢竟春歸在客先焚樓鐙火樂豐年吳船六柱教新買共醉盤闔海國天

晚過元甯觀

天衢人海飛奔驟難得支筇偶叩關玉殿古香霏畫壁癭槐積
雨蝕苔斑後先檀越貂璫建左右丹房羽客閒二十四年三過
此琳宮雲靜喜開顏

余於嘉慶七年庚申曾
至觀中今已廿四年矣

初七日衙齋感興

囊書挾被駐城東端笏齋居對燭紅書讀五車聊復爾掾稱三
語得無同豪情漫說徐君倩逸致偏師邴曼容待到南湖花事
勝鴟夷閒載醉春風

十三日入寺齋宿次早入壇侍班竹汀都統

那清安赴

灤陽任未遑執別詩以送之

入春剛十日齋宿六朝過禪祀森袍笏閒蹤耦薜蘿鑪熏霏古
篆窗日畫庭柯辛苦青驄吏頻來叩玉珂

剖符深惜別操袂未應閒正爾聽驪唱偏逢侍鷺班停雲竹香

館衝雪樺林山扈

蹕叨隨從周廬旅話攀

鵲印懸腰佩巖疆畀重臣指揮蕃部服紘誦泮池春雁磧星輶
厯龍堆獵騎陳潘輿猶許迓

恩沛及萱親

宦迹原無定分符洵夙緣雲司勞璧畫粉署憶隨肩但使葵誠
竭何妨艾綬翩申圻需坐鎮移節仁鵬搏

廿三日出西直門赴 圓明園

稅駕西郭馳飛奔逐平阿曜靈昭旭景祥飊扇陽和柔荑被長
坂稊柳拂靡波藐眊感物變委蛇鬚鬢皤祇召旋燕京歲序騰
輕梭側聞天吳逞高堰沈滂沱灑沈淮海埂部屋棲蛟鼉哀鴻
覲災祲蕩析居無那馬曹馭和轡龜山仁斧柯帶綬垂若若獻

納誠如何

同懷弟法良校刊

男崇福謹校重刊